

Tarikh Dibaca: 12 Mei 2017M | 15 Syaaban 1438H

KHUTBAH JUMAAT

Tajuk:

“BERDOA ADALAH IBADAH”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“BERDOA ADALAH IBADAH”

الْحَمْدُ لِلَّهِ الْقَائِلِ: وَقَالَ رَبُّكُمْ ادْعُونِي أَسْتَجِبْ لَكُمْ
إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ

دَاخِرِينَ.  1

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا عِبَادَ اللَّهِ! اتَّقُوا اللَّهَ، وَتَزَوَّدُوا فَإِنَّ خَيْرَ
الزَّادِ التَّقْوَى. قَالَ اللَّهُ تَعَالَى: يَأَيُّهَا الَّذِينَ ءَامَنُوا
اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Marilah kita bertaqwa kepada Allah SWT dengan sebenar-benar takwa, tunduk dan patuh melaksanakan segala perintah-Nya dan meninggalkan segala larangan-Nya. Semoga kita menjadi insan yang takut kepada Allah SWT, seterusnya selamat dan berjaya di dunia dan di akhirat.

Mimbar Jumaat pada hari ini akan membicarakan khutbah yang bertajuk “**BERDOA ADALAH IBADAH**”.

Hadirin tetamu Allah sekalian,

¹ Ghafir; 40



Berdoa merupakan satu ibadah. Doa bermaksud permintaan seorang hamba kepada Allah SWT untuk kebbaikannya di dunia dan di akhirat. Ia dilakukan bersama-sama dengan usaha dan ikhtiar. Berdoa tidak terikat dengan masa dan tempat. Seseorang boleh berdoa pada bila-bila masa sahaja sama ada siang atau malam, bahkan di mana sahaja tak kira di daratan, udara atau lautan. Begitu juga sama ada sedang bermusafir atau bermuqim, ketika kaya atau miskin dan ketika sihat atau pun sakit.

Seseorang yang sentiasa menjadikan doa kepada Allah SWT sebagai amalannya adalah bukti bahawa hampirnya dia dengan Allah SWT. Firman Allah SWT dalam surah al-Baqarah ayat 186 yang bermaksud:

"Dan apabila hamba-hamba-Ku bertanya kepadamu mengenai Aku, maka (beritahu kepada mereka) sesungguhnya Aku (Allah) sentiasa hampir (kepada mereka). Aku perkenankan permohonan orang yang berdoa apabila dia berdoa kepada-Ku".

Muslimin yang dirahmati Allah sekalian,

Berdoa merupakan perintah Allah Azza wa Jalla dan rasul-Nya SAW. Apabila kita berdoa kepada Allah, ini bermakna kita melaksanakan perintah Allah SWT dan rasulNya SAW. Firman Allah SWT dalam surah al-'Araf ayat 55:

أَدْعُوا رَبَّكُمْ تَضَرُّعًا وَخُفْيَةً إِنَّهُ لَا يُحِبُّ الْمُعْتَدِينَ





"Berdoalah kepada Tuhan kamu dengan merendahkan diri dengan suara perlahan. Sesungguhnya Allah tidak suka kepada orang-orang yang melampaui batas".

Nabi SAW memberitahu kita bahawa orang yang paling lemah dalam kalangan manusia adalah orang yang tidak berdoa kepada Allah SWT. Diriwayatkan daripada Abu Hurairah R.Anhu bahawa Nabi SAW bersabda;

إِنَّ أَبْخَلَ النَّاسِ مَنْ بَخِلَ بِالسَّلَامِ، وَأَعْجَزَ
النَّاسِ مَنْ عَجَزَ عَنِ الدُّعَاءِ

"Sesungguhnya manusia yang paling bakhil ialah yang bakhil memberi salam, dan manusia yang paling lemah ialah yang lemah daripada berdoa".

(Riwayat Ibn Hibban).

Kita semua disisi Allah adalah faqir sedangkan Allah SWT adalah maha kaya dan maha pemberi. Meminta kepada Allah yang maha pemurah tidak sama dengan meminta kepada manusia yang serba kekurangan. Manusia akan marah jika diminta berulang kali. Seseorang yang berdoa meminta daripada Allah SWT tidak akan merasa hampa. Diriwayatkan daripada Salman al-Farisi R.Anhu bahawa Nabi SAW bersabda yang bermaksud:

"Sesungguhnya Allah SWT itu maha hidup dan maha pemurah, apabila seseorang mengangkat kedua-dua tangan berdoa kepada-Nya, Dia tidak akan menolak dan menghampakannya".

(Riwayat al-Tirmizi).

Hadirin yang dirahmati Allah sekalian.



Berdoa adalah merupakan amalan para Nabi dan Rasul AS. Bermula daripada nabi Adam AS sehinggalah kepada nabi kita Muhammad SAW yang sentiasa berdoa dan meminta pertolongan daripada Allah SWT.

Berdoa yang disifatkan oleh nabi SAW sebagai ibadah adalah merupakan zikir mengingati Allah SWT. Seseorang yang sedang berdoa sebenarnya sedang berzikir kepada Allah SWT. Ia mempunyai fadhilatnya yang tersendiri, antaranya ialah kebaikan yang bakal diperolehi oleh orang yang berdoa walaupun doa itu untuk saudaranya. Berdoa juga akan menyelamatkan kita daripada sebarang musibah termasuklah orang-orang yang mengaminkannya.

Sebagai contoh dinyatakan dalam Sahih Muslim, pernah tiga orang lelaki yang terperangkap di dalam gua berjaya keluar dengan selamat selepas berdoa dan bertawassul dengan amal soleh yang pernah dikerjakan oleh mereka. Kisah yang diceritakan oleh nabi SAW ini sebagaimana yang diriwayatkan oleh Abdullah bin Umar R.Anhu menunjukkan kuasa dan keajaiban berdoa yang merupakan fadhilat daripada Allah Azza wa Jalla.

Bukan itu sahaja, fadhilat berdoa ini juga akan memberi manfaat kepada orang yang telah meninggal dunia iaitu manfaat kebaikan yang bakal diperolehi oleh orang beriman yang telah meninggal dunia hasil daripada doa orang-orang mukmin lain yang masih hidup. Firman Allah SWT dalam surah al-Hasyr ayat 10;

وَالَّذِينَ جَاءُوا مِنْ بَعْدِهِمْ يَقُولُونَ رَبَّنَا اغْفِرْ لَنَا
وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا
غِلًّا لِلَّذِينَ ءَامَنُوا رَبَّنَا إِنَّكَ رَءُوفٌ رَحِيمٌ ﴿١٠﴾



"Dan orang-orang (Islam) yang datang kemudian daripada mereka (berdoa dengan) berkata: "Wahai Tuhan kami! ampunkanlah dosa kami dan dosa saudara-saudara kami yang mendahului kami dalam iman, dan janganlah Engkau jadikan dalam hati perasaan hasad dengki dan dendam terhadap orang-orang yang beriman. Wahai Tuhan kami! Sesungguhnya Engkau amat melimpah belas kasihan dan Rahmat-Mu".

Hadirin Jumaat yang dirahmati Allah sekalian.

Bagi mendapat fadhilat berdoa sebagaimana yang telah dinyatakan, setiap orang yang berdoa perlu menjaga beberapa adab yang telah dianjurkan oleh syarak. Di antara adab-adab tersebut ialah:

Pertama: Ikhlas dan yakin dalam berdoa.

Seseorang yang berdoa hendaklah ikhlas dan yakin kepada Allah SWT serta tidak merasa ragu-ragu tentang penerimaannya. Firman Allah SWT dalam surah Ghafir ayat 60;

وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ دَاخِرِينَ



"Dan Tuhan kamu berfirman: "Berdoalah kamu kepadaKu nescaya Aku perkenankan doa permohonan kamu. Sesungguhnya orang-orang Yang sombong takbur daripada beribadat dan berdoa kepadaku, akan masuk neraka jahannam Dalam keadaan hina".

Kedua: Bertaubat dan kembali kepada Allah.



Seseorang yang ingin berdoa hendaklah bertaubat dengan memperbanyakkan istighfar. Ini kerana maksiat kepada Allah adalah penghalang utama kepada makbulnya sesuatu doa. Nabi Nuh AS telah meminta kepada kaumnya supaya bertaubat kepada Allah agar dimustajabkan doa, firmanNya menerusi ayat 10-12 surah Nuh bermaksud:

"Sehingga aku berkata (kepada mereka): pohonkanlah ampun kepada Tuhan kamu, sesungguhnya adalah Dia maha pengampun. (Kiranya kamu berbuat demikian), Dia akan menghantarkan hujan lebat mencurah-curah kepada kamu. Dan dia akan memberi kepada kamu dengan banyaknya harta kekayaan serta anak pinak dan dia akan mengadakan bagi kamu kebun-kebun tanaman, serta mengadakannya bagi kamu sungai-sungai (yang mengalir di dalamnya).

Ketiga: Khusyuk penuh pengharapan.

Seseorang hendaklah berdoa dengan penuh khusyuk dengan perasaan yang mendalam serta pengharapan yang tinggi. Kerana hanya Allah SWT sahaja yang maha memperkenan dan mengkabulkan doa.

Nabi SAW menjelaskan bahawa doa yang kita panjatkan akan mendapat salah satu daripada tiga perkara. Diriwayatkan oleh Abu Sa'id al-Khudri RA bahawa Nabi SAW bersabda bermaksud;

"Seseorang muslim yang berdoa bukan pada perkara dosa dan memutuskan hubungan silaturrahim, nescaya allah akan memberikan salah satu daripada 3 perkara sama ada akan dimakbulkan doanya, atau akan ditangguhkan untuknya pada hari akhirat, atau dia akan dijauhkan daripada keburukan."

(Riwayat Ahmad).



Muslimin yang dikasihi Allah sekalian,

Mutakhir ini, terdapat pihak-pihak yang memperniagakan doa sebagai sumber pendapatan. Sebagai contoh baru-baru ini umat Islam di negara ini telah digemparkan dengan isu Valet Doa. Valet Doa ialah satu perkhidmatan "Doa Berbayar" ke Makkah yang ditawarkan kepada orang ramai yang tidak mampu ke Makkah tetapi berhasrat untuk doa-doa mereka dilafazkan di lokasi tertentu. Pelanggan diberi jaminan bahawa bayaran yang dibuat anantara RM250 hingga RM2500 akan dipulangkan semula jika doa mereka tidak dimakbulkan oleh Allah dalam tempoh 365 hari. Oleh itu, umat Islam hendaklah menjauhkan diri dari perbuatan mengeksploitasi agama untuk kepentingan dunia ini.

Para tetamu Allah sekalian,

Mengakhiri khutbah pada hari ini, mimbar ingin berpesan sebagaimana berikut;

1. Umat Islam hendaklah berdoa dan meminta hanya kepada Allah SWT dengan penuh yakin dan ikhlas.
2. Umat Islam mestilah berusaha dan berikhtiar disamping berdoa berterusan sebelum bertawakal kepada Allah SWT, dengan menjaga adab-adabnya untuk memastikan agar mendapat perkenan daripada Allah SWT.
3. Umat Islam digalakkan memperbanyakkan berdoa tanpa mengira senang atau susah, miskin atau kaya, kerana doa adalah ibadah dan zikir kepada Allah SWT.



أَعُوذُ بِاللَّهِ مِنَ الشَّيْطَانِ الرَّجِيمِ
وَلَا تُفْسِدُوا فِي الْأَرْضِ بَعْدَ إِصْلَاحِهَا وَادْعُوهُ خَوْفًا
وَطَمَعًا إِنَّ رَحْمَتَ اللَّهِ قَرِيبٌ مِّنَ الْمُحْسِنِينَ ﴿٥٦﴾

"Dan janganlah kamu berbuat kerosakan di bumi sesudah Allah menyediakan segala yang membawa kebaikan padanya, dan berdoalah kepadanya dengan perasaan bimbang (kalau-kalau tidak diterima) dan juga dengan perasaan terlalu mengharap (supaya makbul). Sesungguhnya rahmat Allah itu dekat kepada orang-orang yang memperbaiki amalannya".

(al-A'raf ; 56).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلْ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Anhar/Nurul
04.05.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِينِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُور، سُلْطَانَ شَرْفِ الدِّينِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّينِ عَبْدِ الْعَزِيزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُور،
تَغْكُو اَمِيرِ شَاهِ ابْنِ السُّلْطَانَ شَرْفِ الدِّينِ اَدْرِيسِ
شَاهِ الْحَاجِ فِي اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bujukanlah hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
